



کمنتريين حال احوال دالم نكري
KEMENTERIAN HAL EHWAL DALAM NEGERI

**SIARAN AKHBAR
PROGRAM BANDARKU CERIA DIADAKAN SEMULA**

1. Kementerian Hal Ehwal Dalam Negeri ingin memaklumkan mengenai pembukaan semula Program Bandarku Ceria susulan Kenyataan Media Jabatan Perdana Menteri pada hari Selasa, 4 Rabiulakhir 1443 bersamaan 9 November 2021 bagi Pengumuman Fasa Peralihan Rangka Kerja Pelan Pemulihan Kebangsaan COVID-19 yang akan mula berkuatkuasa pada hari Jumaat, 14 Rabiulakhir 1443 bersamaan 19 November 2021.
2. Berdasarkan Garis Panduan Fasa Peralihan tersebut, bermula pada hari **Ahad, 16 Rabiulakhir 1443H bersamaan 21 November 2021M, Program Bandarku Ceria akan diadakan semula. Walau bagaimanapun, Program ini adalah terhad kepada aktiviti riadah yang dilakukan secara individu atau didalam jumlah kumpulan yang terhad.** Manakala, aktiviti berjaja adalah ditiadakan sehingga ke satu tarikh yang akan dimaklumkan kemudian.
3. Semua pengunjung semasa Program Bandarku Ceria adalah dikehendaki untuk mengikut Garis Panduan Fasa Peralihan Bagi Kemudahan dan Aktiviti Bagi Kecergasan dan Rekreasi yang ditetapkan oleh pihak Kerajaan seperti berikut:-
 - 3.1 Protokol bagi aktiviti dan kemudahan adalah seperti berikut :
 - Hanya pengunjung yang melengkapkan **dua (2) dos vaksin** dibenarkan hadir.
 - Hanya pengunjung yang mempunyai kod **BruHealth berwarna hijau dan kuning** sahaja dibenarkan hadir.
 - Aktiviti riadah berkumpulan tidak melebihi 15 orang adalah dibenarkan.
 - Langkah-langkah kawalan COVID-19 hendaklah dipatuhi dengan ketat.
 - Dimastikan memakai sungkup muka (face mask) pada setiap masa kecuali ketika melakukan senaman atau kegiatan fizikal.

- Penjarakan fizikal semasa bersenam atau bersukan ialah 1.5 meter antara individu untuk aktiviti fizikal umum, melainkan aktiviti itu memerlukan penjarakan yang pendek.
- Minuman boleh diminum semasa beraktiviti pada waktu rehat pendek sahaja. Pengunjung digalakkan untuk membawa minuman mereka sendiri dan berkongsi minuman adalah dilarang.

3.2 Jalan-jalan yang ditutup semasa Bandarku Ceria bermula pada jam 6.00 pagi sehingga 10.00 pagi seperti berikut:

- Jalan McArthur;
- Jalan Pemancha;
- Jalan Pretty;
- Jalan Robert;
- Jalan Masjid Omar 'Ali Saifuddin;
- Jalan Elizabeth II;
- Jalan Sultan Omar 'Ali Saifuddin;
- Jalan Haji Basir;
- Jalan Stoney;
- Jalan Sekolah;
- Jalan Kumbang Pasang; dan
- Jalan Perdana Menteri sehingga Pusing Keliling berdekatan Jabatan Perdana Menteri.

4. Untuk maklumat lanjut, orang ramai bolehlah merujuk kepada Garis Panduan yang terperinci bagi aktiviti berkenaan yang telah disediakan oleh Jabatan Perdana Menteri dengan melayari laman sesawang www.jpm.gov.bn.

-TAMAT-

**Kementerian Hal Ehwal Dalam Negeri
Negara Brunei Darussalam**

15 Rabiulakhir 1443H / 20 November 2021M